



UNIVERSITÄTS-
BIBLIOTHEK
PADERBORN

**Claudii Fleury, Presbyteri, Prioris Argenteliae Et Reg.
Christianiss. A Confessionibus Institutiones Juris
Ecclesiastici**

Fleury, Claude

Moguntiae, 1760

III. De judice ordinario & delegato.

[urn:nbn:de:hbz:466:1-67899](#)

Caroli Calvi tempore a bellis civilibus, ab incursione Normannorum & dissidio perpetuo Regulorum. Unde sæculo X. XI. XII. vix concilium nisi papæ auctoritate convoçatum, qui vel ipse vel legato missò præsidebat.

1) c. 8. an. 692.

mitau-
tantur.

IX. INTERIM INNOCENTIUS III. concilio Lateranensi 1216 regulam de conciliis provincialibus quotannis habendis renovavit¹. Quod quum negligeretur, concilium Valentia in Hispania an. 1322. habitum voluit, ut singulis bienniis celebrarentur; denique concilium Basileense² ea reduxit ad singula triennia: quod concilium Tridentinum³ ratum habuit, voluitque, ut ubique terrarum instaurarentur, monitis Metropolitanis, ut talia cogerent, & Episcopis, ut ea frequenter non recusarent, ita quidem, ut Episcopi ingenui, qui nullius archiepiscopi essent suffraganei, eligerent, cuius conciliis interesse malent: pœna adjecta canonica. In Francia idem sancitum editis Melodunensi art. 1. alio an. 1610. alio 1646. Neque tamen inde a concilio Burdigalenſi an. 1626. aliud vidimus.

1) C.25. X. de accusat. 2) sess. 15. 3) sess. 24. Ref. c. 26

.....

CAP. III. DE JUDICE ORDINARIO ET DELEGATO.

I.

Vicarii &
officiales

EPISCOPI majorum præsertim cathedralium, multis negotiis obruti, judicium non-

nonnullarum caussarum in quendam presby-
terum, vel in archidiaconum devolverunt. episcopo-
rum,
Quod frequentius factum, ex quo episcopi ju-
risdictionem in plerisque etiam civilibus caussis
sibi arrogarunt. Archidiaconi juri dicundo ita
assueverunt, ut *jurisdictionem propriam affecta-*
rent; & in pluribus diœcesibus præscripsérunt
primam instantiam. Unde Episcopi maluerē
delegare presbyteros, quorum mandata pro
lubitu revocari possent. Hos vocarunt *vicarios*
vel *officiales*, quo sensu *officialis* vocabulum
usurpatur a Petro Blesensi¹ circa an. 1179.
& sæculo sequenti tribus conciliis Turonensi-
bus an. 1231. 1236. & 1239.² officium eo-
rum confirmatur: ubi simul apparet, archi-
diaconos tum habuisse suos officiales. Sed
postea officiales & vicarii distincti fuere, &
officiales appellati, quibus *contentiosa;* *vicarii*
autem *generales* seu *vicarii majores*, quibus *vo-*
luntaria fuit ab Episcopo mandata *jurisdictio.*
Officiales autem immensum multiplicati sunt,
quum & capitula tales habere vellent, & Epi-
scopi plures nonnumquam in eadem diœcesi
obtentu multitudinis negotiorum instituerent;
reclamantibus judicibus sacerdotalibus, qui per-
hibebant, quod sæpe verum est, officialium
multitudine lites multiplicari.

1) ep. 25. 2) Tom. 2. concil. p. 441. c. 12. p. 504.
c. 4. 6. p. 567. c. 8.

II. HABUERE etiam Metropolitani ^{ac metro-}
officiales suos, qui non solum in diœcesi jus ^{politan-}
dicerent; sed etiam de *appellationibus*, e suffra- ^{rum mul-}
ganeorum diœcesibus ad Metropolitanum de- ^{tipieati,}

U

latis, cognoscerent. Nam querelæ illæ, quæ olim raro ab Episcopi sententia ad concilium provinciale deferebantur, jam tum conversæ erant in *appellationes ordinarias*. Et quum concilia rarius celebrarentur, Archiepiscopus seu potius archiepiscopi officialis appellationum prope unus judex fieri cœpit. Hæc judicis mutatio potissimum in causa fuit, quod omnis jurisdictione ecclesiastica caderet. Vix enim hominum proborum & rerum intelligentium tanta copia erat, quæ ad officialium munus obeundum requirebatur. Deinde si vel maxime omnibus numeris absoluti eligerentur officiales, facilius tamen falli poterant & minori auctoritate erant, quam Episcopus in presbyterorum consessu præcipuis clericorum stipatus. Ne quid dicam, quam parvi momenti auctoritas sit presbyteri *officialis* cujusdam Metropolitani comparatione totius *concilii officialis*.

corrupe-
runt ve-
tevis ju-
risdictione-
nis natu-
ram.

III. NON igitur mirandum, reverentiam judiciorum ecclesiasticorum exoleuisse, quam censurarum plaustris recuperatum ibant. Nam in his tribunalibus, prout *solemnia formularum* invalescunt, *bona fides* vacillat. Judicia illa olim amica, quibus, duce caritate, verum justumque exigebatur, concordiaque partium, præcisissimis omnibus dissidiorum radicibus, quærebatur, degeneraverant in tribunalia, in quibus *strictum jus* regnabat, omnesque subtilioris juris apices captabantur, nemine quidquam de jure suo remittente: quo litigantium animi pascebantur magis, quam sedabantur. Presbyteri & clerici, qui ad caus-

sas vel orandas vel judicandas provolabant, caritatem ac sanctimoniam procul habuere. Hinc principes magnam partem potestatis, quam Ecclesiæ concederant, revocarunt, & privati homines, quia nunc necessario litigandum erat, judicem laicum æque lubentes adire voluerunt. Id mali inde redundavit in Ecclesiam, ut dum nimium adpeteret, jurium etiam competentium partem amitteret.

IV. UT igitur adpareat, quæ hodie jurisdictionis Ecclesiasticae facies sit, animadver- Qui sunt
tendum est, duplicis generis esse judices, ordinarii?
ordinarios & delegatos. Ordinarii sunt, qui jurisdictionem per se vel propriam habent, veluti Episcopi, eorumque officiales, vicarii, Metropolitani, primates, papa: præterea capitula exempta intuitu totius corporis & certæ partis diœcœsos, in locis, ubi sunt in possessione; item abbates monasteriorum, quæ præter exemptionem territorium habent & jurisdictionem, licet paucissimorum privilegia sustinere possint examen rigorosum. Eodem referri possunt abbates regulares, priores claustrales, cunctique monasteriorum vel aliarum communitarum religiosarum superiores. Nam interior harum congregationum disciplina pendentium in jurisdictionem conversa est, quæ scriptis ceterisque solemnibus exercetur. Exemptiones eas liberant a jurisdictione Episcopi, habent tamen plures querelarum gradus seu instantias, appellantque a superiori particulari ad *Provincialem*, a provinciali ad *Generalem* vel ad papam: nonnumquam &

U 2

aliorum specie adpellationis tamquam ab abusu, vel per modum querelæ ad sanctius regis consilium.

qui dele-
gati?


V. DELEGATI sunt qui habent jurisdictionem alienam, & delegantur ad certam causam, qua decisa mandatum exspirat. Horum referendi sunt *conservatores apostolici*, v. gr. privilegiorum academicorum, qui sunt instar *delegatorum generalium* & perpetuorum; item legati pontificis, qui, quoad durat legatio, omnia faciunt, quæ papa in locis, ubi degunt, facere possit: quamquam alii eos habent loco judicium *ordinariorum*. Nuntii in Hispania & in pluribus aliis provinciis jurisdictionem habent; in Francia non item. Delegati papæ perpetui censeri quoque possunt *quaesitores fidei* in terris, ubi eorum iurisdictio admittitur: itemque in suo genere monasteriorum *visitatores delegati* sunt judices.

horum
potestas.

VI. DELEGATORUM potestas limitata est terminis mandati, quos migrare nequeunt, adeo, ut dubitatum fuerit, num exceptiones judiciales admittere debeant¹. Delegatio non solum causa decisa, sed etiam revocatione mandati, re adhuc integra, & morte, sive ordinarii, sive delegati, finitur, quippe ad omnes mandati regulas exigenda. Pontificis delegati plura habent præcipua. Possunt enim, ad exemplum delegatorum principis, subdelegare²: quod judicis ordinarii delegati non possunt, quum non eorum, sed ordinarii, iurisdictio sit propria. Possunt suas ipsumet, si

ordinarius tergiversetur, exsequi sententias, & censuris uti; quum delegatorum ceterorum sententias ordinarius exsequatur. De exceptiōnibus, quae delegato opponuntur, judicat *ordinarius*; quae pontificio delegato, vel ceteri condelegati judicant, vel arbitri. Hęc singularia peperit difficultas Romam recurrendi, præsertim in Francia, ubi rex non vult, ut ci-
ves foris litigent. Nec pontifex rescripta de-
legatoria quibuscumque personis; sed vel or-
dinariis locorum, vel iis, qui in unaquaque
diœcesi designati & idonei iudicati fuerint, tra-
dere potest. Quae vero in decretalibus³ & in
concilio Tridentino⁴ de conditione delegatorum
traduntur, ea in Francia non attenduntur.

- 1) C. 13. X. de off. jud. 2) C. 28. eod.
3) C. 11. de rescript. in 6. 4) Sess. 5. c. 10.



C A P. IV.

DE JURISDICTIONIS ECCLESIA- STICAE ADMINISTRIS.

I.

Novissimis temporibus Episcopi tam ra-
ro ipsimet ad judicandum accesserunt, ut
jus eorum a sacerdotalibus iudicibus in dubium
vocaretur, quos *dynastis*, jurisdictionem subal-
ternam habentibus, compararunt, qui per le-
ges regni Francici hanc *per alios* exercere te-
nentur. In quo tamen falluntur, ut qui ma-
xime. Dynastiæ enim, quibus *jurisdictio pa-*
tronialis inhæret, ab omnis generis homini-
bus, immo & a feminis ac infantibus posside-

Episco-
porum in
juridi-
ctione